



BOSNA I HERCEGOVINA
FEDERACIJA BOSNE I HERCEGOVINE
Kanton Sarajevo
Grad Sarajevo
OPĆINA CENTAR SARAJEVO
OPĆINSKI NAČELNIK

Broj: 02-11-5699/20

Datum: 16-11-2020 godine

Na osnovu člana 69. Statuta Općine Centar Sarajevo – prečišćeni tekst («Službene novine Kantona Sarajevo», br. 23/04), člana 70. stav 1. Zakona o javnim nabavkama Bosne i Hercegovine ("Službeni glasnik BiH", br. 39/14) u daljem tekstu: Zakon, na prijedlog Komisije za nabavku roba, vršenje usluga i izvođenje radova II (u daljem tekstu: Komisija) imenovana rješenjem broj: 10-45-698/20 od 01.07.2020. godine, Općinski načelnik d o n o s i

O D L U K U

- I** Prvorangirana ponuda „GRAKOP“ d.o.o. Kiseljak, ul. Gromiljak bb, Kiseljak, broj ponude: 57/20 od 22.10.2020. godine, za javnu nabavku izvođenja radova na regulaciji Koševskog potoka prema projektu, putem otvorenog postupka nabavke, broj obavještenja o nabavci: 848-1-3-198-3-158/20, prihvata se za dodjelu ugovora.
- II** Obavezuje se ponuđač iz stava I dispozitiva, da u roku od pet dana od dana prijema ove odluke, neposredno na protokol ovog organa, dostavi dokumente kojima se dokazuje ispunjavanje uslova iz tačke 7. tenderske dokumentacije (uslovi za kvalifikaciju ponuđača), u originalu ili ovjerenoj kopiji, ukoliko navedeno nisu dostavili u ponudi.
- III** Ponuđači će o prihvaćanju ponude iz tačke I biti obaviješteni najkasnije u roku od sedam dana od dana donošenja Odluke.
- IV** Ova odluka biti će objavljena na internet stranici Općine Centar Sarajevo istovremeno sa slanjem iste svim ponuđačima u ovom postupku javne nabavke.

O b r a z l o ž e n j e

Javna nabavka izvođenja radova na regulaciji Koševskog potoka prema projektu, putem otvorenog postupka, pokrenuta je Posebnom odlukom Općinskog načelnika broj: 02-11-5699/20 od 06.10.2020. godine. Shodno Zakonu, objavljeno je obavještenje o nabavci na internet portalu E-nabavke broj obavještenja: 848-1-3-198-3-158/20 dana 07.10.2020. godine.

U roku za dostavljanje ponuda na adresu ugovornog organa za predmetni lot nabavke pristigle su 2 (dvije) ponude sljedećih ponuđača: „GRAKOP“ d.o.o. Kiseljak i „SAN BAX“ obrtnička djelatnost Ilidža.

U skladu sa članom 63. Zakona o javnim nabavkama (u daljem tekstu: Zakon), Komisija je u zakazano vrijeme pristupila javnom otvaranju pristiglih ponuda i nakon što je utvrđena urednost dostave, pročitane su ponude za oba potkriterija ekonomski najpovoljnije ponude, kako slijedi:

Reg. broj	Ponuđač	PODKRITERIJ 1 Ukupna cijena ponude u KM sa PDV-om i popustom	PODKRITERIJ 2 Rok izvođenja radova
295	„GRAKOP“ d.o.o. Kiseljak	180.859,50	25 dana
296	„SAN BAX“ obrtnička djelatnost Ilidža	185.348,78	25 dana

Na zatvorenom sastanku održanom dana 26.10.2020.godine, Komisija je izvršila pregled dokumentacije priložene uz ponude u smislu provjere njene potpunosti i ispravnosti u skladu sa zahtjevima iz tenderske dokumentacije. Izvršena je evaluacija ponuda u skladu sa pravilima propisanim Zakonom i podzakonskim aktima kao i procedurama utvrđenim u samoj tenderskoj dokumentaciji za ovaj predmet javne nabavke.

